



# ჩემი საქართველო



№68, მარტი, 2020

საქართველო-უკრაინის სოციალურ ურთიერთობათა ინსტიტუტის გაზეთი მათთვის, ვისაც ცოდნის გაღრმავების სურვილი აქვთ, ლიდერობა სურთ და პროფესიონალიზმს ესწრაფვიან!



ღმერთმა დალოცოს საქართველო-უკრაინის სოციალურ ურთიერთობათა ინსტიტუტის რექტორადი, პროფესორ-მასწავლებლები. ტექნიკური პერსონალი. სტუდენტი-ახალგაზრდობა და მათი მშობლები.

ჩილია-ს.  
სტუდენტური  
კომიტეტის წევრი

## გარი ჩაფიქა – ნარმატებულ ადამიანთა სერაფონია „პერსონას“ გამარჯვებული!



ორ ეტაპად და უმაღლეს დონეზე წარიმართა საქართველოს წარმატებული ადამიანების დაჯილდოების „პერსონა 2019“-ის საზეიმო ცერემონია, რომელიც ჭეშმარიტად სახალხო დღესასწაულად იქცა, ჯერ იყო და გასული წლის მაისში, ქ. თბილისში, რესტორან კომპლექს „პატრიოტში“, დაუვინყარი შეხვედრა გაიმართა, ამ მართლაც და საამაყო პროექტის ნომინანტებთან... იყო წითელი ხალიჩა, მოზღვავებული ემოცია, შრომის დაფასება და ბევრი, ძალიან ბევრი აპლოდისმენტი... არაჩვეულებრივი შოუ პროგრამა: ირმა სოხაძის, თემურ ნიკლაურის, ეკა კვალიაშვილის, გია სურამელაშვილის, ოთო ნემსაძის, გიორგი სუხიტაშვილის, ქეთი გომართელის, თათია კობალაძის, საბა საფარელის, ტატო გოდერძიშვილის, სალომე მირიანაშვილის, ქრისტინე კაპანაძის და სხვათა შესრულებით, ნომინანტები კი... თითქმის ყველა პროფესიის ადამიანები და რა თქმა უნდა, განათლებისა და მეცნიერების წარჩინებულები, ისინი, ვის განათლების, ცოდნის სისტემის თანამედროვე მიდგომებსა და მეცნიერულ მოღვაწეებს აღიარებს მსოფლიო... რთულია, ასეთი შემეცნებითი სრულფასოვნების ეპიცენტრში დგომა, რთული მაგრამ საპატიო, დიხს „პერ-

სონა 2019“-ის ნომინანტად, საერთაშორისო განათლებისა და მეცნიერების განვითარებაში შეტანილი განსაკუთრებული წვლილისათვის, სწორედ მაშინ დასახელდა საქართველო-უკრაინის სოციალურ ურთიერთობათა ინსტიტუტის რექტორი, საქართველო-პოლონეთის საერთაშორისო ურთიერთობათა ინსტიტუტის რექტორი, აკადემიკოსი გარი ჩაფიქი, რომლის სახელი და გვარი, რომლის მიღწევებიც, რომლის მეცნიერული შრომებიც მსოფლიო საკუთრებაა და მის დამსახურებებზე ის უამრავი ჯილდო მეტყველებს, ერთის კი არა, ასობით ადამიანის ბიოგრაფიას რომ დაამშვენებდა...

საქართველოს წარმატებული ადამიანების დაჯილდოების ყოველწლიური პროექტის „პერსონა“-ს 2019 წლის მეორე ეტაპი, გასული წლის მინურულს, დეკემბრის ბოლოს გაიმართა გრანდ თბილისი შერატონ მეტეხი პალასში, საყურადღებოა, რომ აღნიშნული პროექტის ფარგლებში ჯილდოვებულები კულტურისა და ხელოვნების, სამოქალაქო, საჯარო, საგანმანათლებლო, სამედიცინო, ბიზნესისა და სხვა სფეროს წარმომადგენლები, ასევე ეპოქის მსახიობები, რეჟისორები, მხატვრები, მოცეკვავეები, მომღერლები, მუსიკოსები, მწერლები, სპორტსმენები...

„პერსონა“-ს დაჯილდოების პრინციპი განსაზღვრულია: სოციალურად აქტიური ქველმოქმედება, ხარისხის განვითარება, ნოვატორობა, პროფესიონალიზმი, საზოგადოების მხრიდან აღიარება, სამოქალაქო აქტივობა, სფეროს განვითარებაზე ზრუნვა, ეროვნულობა (ტრადიციულობა), რეფორმების განხორციელება და სხვა. საყურადღებოა, რომ საქართველოს წარმატებული ადამიანების დაჯილდოების ცერემონია „პერსონა“-ს დიპლომს მოჰყვება უნიკოდი, რომელიც აღიარებულია სახელმწიფოს მიერ, საქართველოს

წარმატებული ადამიანების დაჯილდოების ცერემონია „პერსონა“-ს ფარგლებში გამოდის კატალოგი სახელწოდებით „საქართველოს ოქროს სახელები“, რომლის მიზანია „გააგრძელებ შენი ისტორია“. მასში ავტომატურადაა შესული წარმატებული და აღიარებული პიროვნებები და რაოდენ საამაყოა, რომ საქართველოს წარმატებული ადამიანების დაჯილდოების ცერემონია „პერსონა“-ს სახელობითი ტიტული და გამარჯვების დიპლომი საერთაშორისო განათლებისა და მეცნიერების განვითარებაში შეტანილი განსაკუთრებული წვლილისათვის ჩვენი სასწავლებლის ხელმძღვანელის, საქართველო-უკრაინის სოციალურ ურთიერთობათა ინსტიტუტის რექტორს, საქართველოს იაკობ გოგებაშვილის სახელობის პედაგოგთა კავშირის თავმჯდომარეს აკადემიკოს გარი ჩაფიქს გადაეცა.

– იყო წარმატებული, არ არის პრივილეგია, ეს უდიდესი პასუხისმგებლობაა, პასუხისმგებლობა, რომელსაც ერთნაირად ვინაწილებთ ყველა ჩვენი ინსტიტუტისა და სასწავლო ცენტრების თანამშრომლები, სტუდენტ-ახალგაზრდობასთან ერთად, რამეთუ ეს ჯილდო თითოეული მათთაგანის დამსახურებაა. – აღნიშნა „პერსონა 2019“-ის დაჯილდოების ცერემონიაზე აკადემიკოსმა გარი ჩაფიქმა.





ბენეფიციარ ბავშვთა დღის ცენტრი

# კოლექტიურად უარსადო არსებლის "პიკნიკზე"

ამ დღეებში რუსთავის აკადემიური ქალაქის ბენეფიციარ ბავშვთა დღის ცენტრის „კოლორიტი 1991“ და შშმ ბავშვთა ცენტრის „ფოთოლცვენა 2002“-ის ბენეფიციარები პედაგოგებთან ნანა დეკანოიძესთან და ნაზიბროლა კაპანაძესთან ერთად ქ. რუსთავის გიგა ლორთქიფანიძის სახელობის პროფესიული დრამატული თეატრის სპექტაკლს, ფერნანდო არაბალის „პიკნიკს“, კოლექტიურად დაესწრნენ – სცენარი, გროტესკით გადმოცემული მტკივნეული ამბავია, თუ რატომ ეწირებიან ახალგაზრდა, გამოუცდელი ადამიანები ომს, თუ ვის წიაქვილზე ასხავს წყალს მათ მიერ დაღვრილი სისხლი... ეს სპექტაკლი, ფანტასმაგორია ... და ლაიტმოტივი – როგორ წყვეტენ ომის მშვიდობიანად დასასრულის ბედს, ფრონტის წინა ხაზზე, შვილის დაბადების დღის აღსანიშნავად ჩასული მშობლები...

სპექტაკლის რეჟისორი, მუსიკალური გამფორმებელი და ქორეოგრაფი გიორგი ოსეფაშვილია, სწორედ მის სასახელოდ უნდა ითქვას, რომ მან შესძლო ესპანელი დრამატურგის ფერნანდო არაბალის აღნიშნული პიესა, უმაღლეს დონეზე განხორციელებინა რუსთავის თეატრის სცენაზე.

სპექტაკლზე კოლექტიური მსვლელობით ბენეფიციარები და მათი მშობლები კმაყოფილნი დარჩნენ.



## ახალი წლის ზეიმი...

ახალი, 2020 წლის დადგომა, ქ. რუსთავის აკადემიური ქალაქის ბენეფიციარ ბავშვთა დღის ცენტრის აღსაზრდელებმა განსაკუთრებული სიხალისით აღნიშნეს, ჯერ იყო და საქართველოს პრეზიდენტისაგან დასაჩუქრება, თეატრის საბავშვო სპექტაკლებზე კოლექტიური მსვლელობა, მერე ქ. რუსთავის მერიის, აკადემიური ქალაქის დირექციის საჩუქრები... და ბოლოს 31 დეკემბერს, ბენეფიციარი ბავშვები თავიანთი საახალწლო ზეიმის პროგრამით, ისევე აკადემიური ქალაქის ტერიტორიაზე არსებული სათემო ორგანიზაციის „კოლორიტი 1991“ მოხუცთა სახლს ესტუმრნენ... ამალელებელი, გულში ჩამწვდომი, ინტერესიანი და საოცარი თბილი ხიბლის მქონე იყო ეს საღამო, მართლაც და დაუვინყარი, მართლაც და საზეიმო, ნორჩი დეკლამატორები: თორნიკე ხაზიური, მარიამ და ლიზი გურჯიძეები, მარიამ შენგელია, ანდრია ბიჭიკაშვილი, გურამ მუშლაძე, მარიამ ქუმისაშვილი, ანუკი შენგელია, რომან ბიჭიკაშვილი, სალომე შენგელია, მარიამ დორეული და სხვები, მართლაც და არაჩვეულებრივი პროგრამით წარსდგნენ მოხუცთა სახლის „კოლორიტი 1921“-ის ბინადართა წინაშე, 2020 წლის დადგომა, ჯანმრთელობა, დიდხანს სიცოცხლე, ახალ-ახალი სასიკეთო ძვრები უსურვა ბენეფიციარებს და მათ საახალწლო საჩუქრები გადასცა აკადემიური ქალაქის დამფუძნებელმა, აკადემიკოსმა გარი ჩაფიძემ, სიტყვით გამოსულეებმა ბენეფიციარ ბავშვთა დღის ცენტრის პედაგოგმა ნანა დეკანოიძემ, აკადემიური ქალაქის პატრულირების სამსახურის უფროსმა თინათინ ქადაგიშვილმა, მოხუცთა სახლის სამედიცინო პერსონალმა: მარიამ მათიაშვილმა და მარია კიკნაძემ დამსწრე საზოგადოებას ახალი წლის მილოცვასთან ერთად საახალწლო სუვენირებიც გადასცეს.

## ბავშვთა სკოლა

საქართველო-უკრაინის სოციალურ ურთიერთობათა ინსტიტუტს, ამ დღეებში, საზღვარგარეთ მოღვაწე, გამოჩენილი ქალბატონი, ქართველ ემიგრანტთა საერთაშორისო ცენტრის დამფუძნებელი, ბრიუსელში ქართული კულტურის ცენტრისა და დიასპორის ხელმძღვანელი ანა ბალამწარაშვილი სტუმრობდა, გაეცნო, რა ჩვენი ინსტიტუტის ძირითად საქმიანობას, მან აქცენტი არაფორმალურ პროფესიულ განათლებაზე შეაჩერა, რამეთუ საზღვარგარეთის ქვეყნებში იგი ერთ-ერთი პრიორიტეტია, ამდენად ურთიერთთანამშრომლობის მეგობრანდუმში, რომელიც ამ ვიზიტის დროს გაფორმდა, ხაგასმით აღნიშნა, რომ ქალაქ ანტიკვრეში გაიხსნება ჩვენი ინსტიტუტის სასწავლო ცენტრი, და იგი ბელგიის სამეფოში მცხოვრები ემიგრანტ ქართველებისათვის უდიდესი შენაძენი იქნება, სტუმარი მოიხიბლა ქ. რუსთავის აკადემიური ქალაქის დათვალეირებით, განსაკუთრებული ყურადღება კი ნიდერლანდურ-ქართულ ლექსიკონზე გაამახვილა, რომელსაც მსოფლიოში დღემდე ანალოგი არ აქვს და რომლის ავტორ-შემდგენელი ჩვენი ინსტიტუტის რექტორი, აკადემიკოსი გარი ჩაფიძეა.

საყურადღებოა, რომ მიმდინარე წლის აპრილში, ქალაქი ბრიუსელი, მეცნიერთა საერთაშორისო კონგრესს და დიასპორის წარმომადგენლებს უმა-სპინძლებს, სადაც ქართულ მხარეს ჩვენი, საქართველო-უკრაინის სოციალურ ურთიერთობათა ინსტიტუტი წარმოადგენს.



## წალკა განათლების დონის ამაღლება – თანაბრობის ამაღლებას ნიშნავს!

წალკა, ერთ-ერთი საინტერესო ადმინისტრაციული ცენტრია საქართველოში, თავისი მრავალფეროვნებით, მრავალი სეგმენტითა და ნიჭიერი ადამიანური რესურსით, ეს ნიჭიერება უბრალოებაშია და აქ მთაში იბადება, ამიტომაცაა, ჩვენი რაიონის მოსწავლე-ახალგაზრდობა რესპუბლიკურ ოლიმპიადებშია თუ სხვადასხვა მეცნიერულ მიღწევებში, მონაწილეობას არავის უთმობს... მაგრამ განათლების დონის ამაღლებას, მუდმივი შრომა სჭირდება, შრომა სიახლეთა დაუფლებსა, პროფესიის შესწავლისა... ჩვენთან კი... გულწრფელად, რომ ავლნიშნოთ, პროფესიული სწავლების დაწესებულების არ არსებობას, ნამდვილად განვიცდიდით და რაოდენ სასიხარულოა, რომ საქართველო-უკრაინის სოციალურ ურთიერთობათა ინსტიტუტის ეგიდით, ქ. წალკაში შეიქმნა არაფორმალური პროფესიული განათლების სასწავლო ცენტრი სადაც ყველა პირობაა შექმნილი სტუდენტთა პროფესიული დაოსტატებისათვის.

აღნიშნული ცენტრის გახსნა, დიდად შეუწყობს ხელს რაიონისათვის საჭირო კადრების პროფესიონალიზაციას და ახალგაზრდების ადგილზე დამაგრებას – აღნიშნა სტუდენტ-ახალგაზრდობასთან და მათ მშობლებთან შეხვედრისას ინსტიტუტის რექტორმა აკადემიკოსმა გარი ჩაფიძემ, რომელმაც, აღნიშნული პროექტის ქ. წალკაში განხორციელების ხელშეწყობაში სამადლობელი სიტყვების ადრესატ – რაიონის ხელმძღვანელობასთან ერთად, განსაკუთრებული მადლობა გადაუხადა ქ. წალკის საგანმანათლებლო რესურსცენტრის უფროსს ბატონ არსენ ჯმუხაძეს.

მეზა მარკოძე

ქ. წალკის სასწავლო ცენტრის განათლების ხარისხის მართვის სამსახურის უფროსი.

## გამოსათხოვარი ლილი კახაროვა

უცნაურია ადამიანთა ბედი... იმდენად უცნაური, რომ... უზრუნველი ბავშვობა ჰქონდა, კარგი მოსწავლე და მისაბაძი სტუდენტი იყო, შემდეგ სამაგალითო თამანშრომელი. რომელიც ნახევარსაუკუნეზე მეტი ემსახურებოდა ქართული განათლების სისტემას. არასოდეს ამბობდა უარს თავისი მდიდარი გამოცდილება გაეზიარებინა კოლეგებისათვის, მოსწავლეებისათვის, მშობლებისათვის... მერე... ძველ ფასეულობათა გადაფასების შედეგად, უკვე პენსიონერი, ჩვენი, მოხუცთა სახლის „კოლორიტი 1991“-ის ბენეფიციარი გახდა... უაღრესად ერთუდირებული, უდიდესი ინტელექტითა და კულტურით გამორჩეული ქალბატონი გახლდათ ლილი კახაროვა... ძალზე მოულოდნელი იყო ყველასათვის მისი გარდაცვალება. მხოლოდ ერთი დღე იავადმყოფა და... წავიდა ჩვენიდან 85 – წლის ასაკში, წავიდა და დაგვიტოვა ტკივილი, სიყვარული და მონატრება... წავიდა... ახალ 2020 წლამდე ორიოდე დღით ადრე... უჩვეულო ამინდი იყო, მერე როცა სამუდამო სასუფეველს მივებარეთ, დელგმა ამოვარდა... ქარი და წვიმა... ბუნებაც დასტირის კეთილ ადამიანებს...





# ქუთაისი სავარდო და სამაისო...



მაისობისა, რა მოგახსენოთ, მაგრამ ზამთრისათვის უჩვეულო სითბოთი და ვარდებით ნამდვილად გვიმასპინძლა კულტურისა და მეცნიერების ქალაქმა ქუთაისმა, საქართველო-უკრაინის სოციალურ ურთიერთობათა ინსტიტუტის რექტორთან, აკადემიკოს გარი ჩაფიქსთან, სტუდენტ-ახალგაზრდობის, მათი მშობლებისა და ლექტორ-მასწავლებლების შეხვედრაზე, ჩვენი ინსტიტუტის არაფორმალური პროფესიული განათლების სასწავლო ცენტრი, მიმდინარე სასწავლო წელს გაიხსნა ქუთაისში, რომელმაც იმთავითვე დიდი ინტერესი გამოიწვია და თანდათან საკუთარი ხელნერის საგანმანათლებლო დაწესებულებად ყალიბდება...



ველო-უკრაინის სოციალურ ურთიერთობათა ინსტიტუტის ქ. ქუთაისის სასწავლო ცენტრის განათლებს ხარისხის მართვის სამსახურის უფროსი, ქალბატონი მაყვალა ქობულაძე, ერთ-ერთი გამორჩეულია ქალაქის საგანმანათლებლო სივრციდან, ამდენად მის სასახლოდ უნდა ითქვას, რომ პირველსავე სასწავლო წელს, სტუდენტთა მაქსიმალურ ზღვრამდე მივიდა... ყველაფრის თავი და თავი კი, ქ. ქუთაისის საგანმანათლებლო რესურსცენტრის უფროსი, სათნოებით სავსე პედაგოგი და მეცნიერი ქალბატონი მაიკო ცქიტიშვილია, სწორედ მისი ლომის წილია ამ

„სავარდო და სამაისო“ ქალაქში, ჩვენი სასწავლო ცენტრის წარმომადგენლობა, რომ გაიხსნა...  
 – ჩვენი მისია, მომავალი თაობის აღზრდაში შეტანილი თეორიული და პრაქტიკული ცოდნის სინთეზია, რომელიც არაფორმალური პროფესიული განათლების ეგიდითა და საერთაშორისო-საგანმანათლებლო ევრო აკრედიტაციით გვსურს საქართველოს ყველა ადმინისტრაციულ ცენტრში განვითავსოთ და ახალგაზრდებს, რაიონებში, ადგილზე დამაგრების მიზნით, მათთვის ყოველდღიურ ცხოვრებაში გამოსადეგი სპეციალობები შევთავაზოთ – აღნიშნა თავის გამოსვლაში ინსტიტუტის რექტორმა აკადემიკოსმა გარი ჩაფიქემ, რომელმაც საერ-

თაშორისო-სამეცნიერო საკითხებზე, იმავე დღეს, აღნიშნული ვიზიტის ფარგლებში, ვრცელი ინტერვიუ მისცა იმერეთის რეგიონალურ ტელევიზიას, ასევე რეგიონალური ტელევიზიის პროდუსერთან, ქალბატონ ნინო ნებიერიძესთან, ვრცელი ინტერვიუ ჩაწერა საქართველო-უკრაინის სოციალურ ურთიერთობათა ინსტიტუტის არაფორმალური პროფესიული განათლების სასწავლო ცენტრების განათლების ხარისხის ექსპერტმა სოსო პირველმა, რომელმაც სტუდენტ-ახალგაზრდობასთან თავის გამოსვლაში კიდევ ერთხელ გაანალიზა პროფესიული განათლების სეგმენტის აუცილებლობა საქართველოში, აღნიშნულ საკითხს შეეხო და სასწავლო ცენტრს სრული მხარდაჭერა გამოუცხადა ქ. ქუთაისის კულტურულ-სახელოვნებო-საგანმანათლებლო დაწესებულებათა მმართველმა, ბატონმა ვაჟა ჯუღელმა, მსმენელი დაატკბო ნორჩი მუსიკოსის ნინო სანოძის მიერ ვიოლინოს თანხლებით შესრულებულმა ნომრებმა (პედაგოგი ეკა გიორგაძე, კონცერტისტი თინათინ ფურცხვანიძე) განსაკუთრებით საყურადღებო კი, ქ. ქუთაისის საპატიო მოქალაქის ქ. ქუთაისის №1 პოლიკლინიკის მთავარი ექიმის, საოჯახო მედიცინის სასწავლო ცენტრის დირექტორის, ბატონ მერაბ კვიციანიძის, გამოსვლა გახლდათ, ისეთივე საინტერესო, იმედიანი და ხალასი როგორც თვით მისი ბიოგრაფია, იმდენად საინტერესო, რომ ამ კაცის, სამეცნიერო-საქველმოქმედო საქმიანობით აღფრთოვანებულმა საქართველოს იაკობ გოგებაშვილის სახელობის პედაგოგთა კავშირის თავმჯდომარემ, აკადემიკოსმა გარი ჩაფიქემ დარბაზშივე გადაწყვიტა, მერაბ კვიციანიძის, პედაგოგიური ელიტის უმაღლესი ჯილდოთი, იაკობ გოგებაშვილის მედლით დაჯილდოების საკითხი.

საქართველო-უკრაინის სოციალურ ურთიერთობათა ინსტიტუტის რექტორის, აკადემიკოს გარი ჩაფიქის ვიზიტი რეგიონალურ სასწავლო ცენტრებში გრძელდება.

## ლაგოდენი ეს ათი წელი...

საქართველო-უკრაინის სოციალურ ურთიერთობათა ინსტიტუტის ქ. ლაგოდენის არაფორმალური პროფესიული განათლების სასწავლო ცენტრი, უკვე ათი წელია, რაც საკუთარი ხელნერის საგანმანათლებლო დაწესებულებად იქცა... რა საკვირველია, როგორც ყველა სიახლეს, ჩვენს სასწავლო ცენტრსაც ჰქონდა სირთულეები, ახალ-ახალი გამოწვევები... მაგრამ წინსვლის ტემპი არასოდეს შენელებულა, ამიტომაცაა, რომ დღეს, რაიონში ნომერ პირველ საგანმანათლებლო კერად მოვიზარებთ, ეს კი თითოეული ჩვენი თანამშრომლის, ლექტორ-მასწავლებელთა თუ ტექნიკური პერსონალის დამსახურებაა, რასაკვირველია, სტუდენტ-ახალგაზრდობასთან ერთად, მათი მშობლების ჩართულობით... და დღეს სიამაყის გრძნობას ვერ ვფარავ, როდესაც ჩვენი კურსდამთავრებულები, საკუთარი პროფესიონალიზმის ჩამოყალიბებაში დახმარებისათვის, უღრმეს მადლობას მიხდებიან... ისინი ხომ ყველგან არიან – აფთიაქებში თუ საავადმყოფოებში, ბანკებში თუ დაცვის პოლიციაში, ბაგა-ბაღებსა თუ კომპიუტერულ ცენტრებში, ტურისტულ სააგენტოებში... ისინი ბევრნი არიან... ათი წელი არც თუ მცირე დროა... დიახ ათი წელი და არც ერთი იმდევაცრუება, ახალ-ახალი პროექტების განხორციელება და წინსვლა, ეს გულწრფელი სამადლობელი სიტყვები კი ჩვენი ინსტიტუტის რექტორს, აკადემიკოს გარი ჩაფიქს ეკუთვნის, რომლისთვისაც სიტყვა და საქმე ერთიანია და რომლის დამსახურებაც, აგერ უკვე მესამე წელია, ახალ სასწავლო წელს, საკუთარ შენობაში, კეთილმოწყობილ კაბინეტ-ლაბორატორიებში ვინყებთ!

**ოთარ ხაზარაძე**  
 ქ. ლაგოდენის სასწავლო-ცენტრის განათლების ხარისხის მართვის სამსახურის უფროსი.

## თეთრინყარო როგორ პროფესიულ განათლებას მოახვას ჩვენი სასწავლოცენტრი?

ამ თემაზე გაიმართა დისპუტი საქართველო-უკრაინის სოციალურ ურთიერთობათა ინსტიტუტის ქ. თეთრინყაროს არაფორმალური პროფესიული განათლების სასწავლო ცენტრში, რომელმაც უდიდესი ინტერესი გამოიწვია, დისპუტის თემა, მართლაც და მომავლის გადასახედთან მდგომი, ცხოვრების კარიბჭის ზღურბლთან მყოფი სტუდენტი-ახალგაზრდებისათვის, ახლებური აზროვნების, მომავლის განსჭვრეტის ძირითად მიმართულებად იქცა... ჩვენი სასწავლებელი მართლაც და არსებობის მხოლოდ რამოდენიმე თვეს ითვლის, დიახ, ამ სასწავლო წლის დასაწყისში, პირველად, პირველკურსელთათვის დაირეკა ზარი, პროფესიული განათლების მიღების ზარი, რომელიც თამამად შეიძლება ითქვას, მთელი რაიონისათვის პროფესიული ცოდნის მიღების კომპლასად იქცა, სწორედ ამიტომ, ადმინისტრაციული ერთეულის ადგილობრივი ხელმძღვანელობის უმაღლეს დონეზე დახმარებისა და მოსახლეობის მხარდაჭერით, შექმელით ქ. თეთრინყაროში, განათლების აღნიშნული კერის დაფუძნება, დიდი მადლობა ყველას, ჩვენი სასწავლო ცენტრის სახელით, სტუდენტ-ახალგაზრდობასა და მათ მშობლებს, პედაგოგებს, ტექნიკურ პერსონალს დაკისრებული მოვალეობის მაღალ დონეზე შესრულებისათვის, განსაკუთრებული მადლობა კი ინსტიტუტის რექტორს, აკადემიკოსს გარი ჩაფიქს, ვისი უშუალო ძალისხმევითაც ქ. თეთრინყაროში პროფესიული განათლების სასწავლო ცენტრი გაიხსნა.

**ელისო კანდელაკი**  
 ქ. თეთრინყაროს სასწავლო ცენტრის განათლების ხარისხის მართვის სამსახურის უფროსი.

## რუსთავი საჯარო ლექსია

საქართველო-უკრაინის სოციალურ ურთიერთობათა ინსტიტუტის არაფორმალური პროფესიული განათლების ქ. რუსთავის სასწავლო ცენტრს ქ. რუსთავის საქალაქო სასამართლოს სისხლის სამართლის საქმეთა კოლეგიის მოსამართლე ეკატერინე პართენიშვილი სტუმრობდა საჯარო ლექციით: - „დისკრიმინაციის შემცველი ნიშნებით ჩადენილი დანაშაულებები“, რომელიც სასწავლო ცენტრის იმიტირებულ სასამართლო დარბაზში გაიმართა, ლექციამ, რომელიც კითხვა-პასუხის რეჟიმში წარიმართა, სტუდენტთა დიდი ინტერესი გამოიწვია, განსაკუთრებით აქტიურობდნენ: გიორგი ბრაგინი, ნათია მათეოსიანი, ნია ნებიერიძე, გიორგი გაბარაევი, სალომე პატარაია და სხვები, პედაგოგებმა, აღნიშნული შეხვედრის ორგანიზატორმა, პროფესორმა ლეილა გეგეშიძემ და სასწავლო ცენტრის განათლების ხარისხის მართვის სამსახურის უფროსმა ქეთევან ცისკარაშვილმა ლექციის ფარგლებში

თავიანთი შეხედულებები გამოთქვეს, ძალზე საინტერესო იყო ინსტიტუტის რექტორის აკადემიკოს გარი ჩაფიქის არგუმენტირებული საუბარი იმ საკითხების მიმართ, რომელიც მომავალი თაობის სამართლებრივი კულტურის განვითარების ნიშანსვეტია – მანვე დიდი მადლობა გადაუხადა ქ. რუსთავის საქალაქო სასამართლოს ხელმძღვანელობას, მის ყველა მოსამართლეს და განსაკუთრებით კი, ქალბატონ ეკატერინე პართენიშვილს სტუმრობისა და საინტერესო, დროული და მიმზიდველი ლექციის წარმართვისათვის.



საჯარო ლექცია კითხვა-პასუხის რეჟიმში ჩატარდა



„EUCEN“-ის საერთაშორისო საგანმანათლებლო  
ევროპული აკრედიტაციის მფლობელი

საქართველო უკრაინის სოციალურ  
ურთიერთობათა ინსტიტუტის სასწავლო ცენტრები

აცხადებს მიღებას

IX და XII კლასდაამთავრებულთათვის,  
ასევე მიღებენ X, XI, XII კლასის მოსწავლეები  
სწავლისაგან მოუწყვებლად

არაფორმალური პროფესიული განათლების ეგიდით

ქვემოთაა  
სტუდენტთა  
კონკრეტული  
სია

- ✓ კომპიუტერული ტექნოლოგიები
- ✓ დაცვა-საბრუნო
- ✓ გარემოს დაცვა
- ✓ შრომითი უსაფრთხოების დაცვა
- ✓ კრიმინალისტი
- ✓ განკის ოპერატორი
- ✓ ექთნის თანაუხმე
- ✓ ფარმაცევტის თანაუხმე
- ✓ კბილის ტექნიკოსი
- ✓ სილ-გოსტნეულის  
პირველადი გადამამუშავებელი
- ✓ ვებდარინარი
- ✓ ბაბა-ბაღის აღმზრდელი
- ✓ კორესპონდენტი
- ✓ გიდი, ტურიზმი

მისამართი:

- ქ. თბილისი, ჯავახიშვილის ქუჩა №7
- ქ. რუსთავი, შვედენკოს ქუჩა №5  
(აკადემიური ქალაქი)
- ქ. ანაკლია, რუსთაველის ქუჩა №143ა
- ქ. აბაშა, აღმაშენებლის ქუჩა №141
- ქ. ოზურგეთი, კვაჭალათას ქუჩა №5
- ქ. ახალციხე, რუსთაველის ქუჩა №50
- ქ. წყალტუბო, რუსთაველის ქუჩა №25
- ქ. ლენტეხი, თამარ მეფის ქუჩა №1
- ქ. შუთისი, ტ. ტაბიძის ქუჩა №29
- ქ. ტყიბული, კოსტავას ქუჩა №1
- ქ. თეგჯოლა, აღმაშენებლის ქუჩა №3
- ქ. ზიათურა, ყაზბეგის ქუჩა №6
- ქ. ხარაბაული, 9 აპრილის ქუჩა №15
- ქ. მარნეული, რუსთაველის ქუჩა №36
- ქ. დმანისი, 9 აპრილის ჩიხი №25
- ქ. ჟალკა, რუსთაველის ქუჩა №68
- ქ. გოლენისი, აღმაშენებლის ქუჩა №58
- ქ. თეთრიწყარო, რუსთაველის ქუჩა №2
- ქ. საბარჯო, აღმაშენებლის ქუჩა №6
- ქ. გურჯაანი, სანაპიროს ქუჩა №6
- ქ. ლაბოდეხი, ვაჟა-ფშაველას ქუჩა №2
- ქ. თელავი, ალაზნის ქუჩა №71
- ქ. ახმეტა, რუსთაველის ქუჩა №9

კურსდამთავრებულები მიიღებენ სასწავლო პროგრამის გავლის დამადასტურებელ  
სამუშაო დიპლომს! რომლითაც შეუძლიათ სწავლა განაგრძონ კიევის რეგიონალურ აკადემიაში,  
შენაგამისი სპეციალისტის, მესამე კურსიდან!